

"Niha chatohanai ne, raotojoeen itarai rucuecuruha ne jaannu", nain aitiin laeneratecure La Asamblea de las Naciones Unidas canaacaanu que, cana temurau nenacauru-cocoainanacaihuri 10 janoniha disiembere ne bana, 1973 ajaanaa ne bana. Nitohaneein ichacuruhanne baihate aitoroatecure cana temurau nenacauru-cocoainanacaihuri itolere sacutaain escoela cuhane ereretaain beebejeuruha satiin nerelanacaauru leijiin inejeein cautelanaalane coinia.

SATIIN CAA CHAURUATANE QUE NENACAAURU CACHAAURU RAI RAUHI

Nunue

Satiin, cachaauru raite ne rauhi. Nii jaun, nainihei chaque ereein nihacane jaannu, jiniiquiin, raotojoeen, ita cailichanaa coauquelanaala, rauhij iriin nenaaj erichaache ne. Nitohanai coitucuhin neniha cachaauruna jaunte, ita cailichairiin nihane, ichaoore cachaauru. Nii jaunna, neruujihaa saain, itolere cachaauru ne jerichaanu; itolere raotojoeen ichaoxin aúiihaneein, niicha esenetai esenetaain, niicha coacui que ereerejeeein, naojoaain niha cachaauru ne jerichaanu.

Saain acaauru cachaauru coroatajanemii, saain itolere gobiernooru, nabana aiha nejerateein, naojoaain niha rai cachaauru ne coataa.

Caohachaain ita coaraain, naaojoaain neeuruhine leeocha gobierno aina itolere caa chauruatane sacutaain nenacauru gobiernooru.

"Caohatoha naain jerihalaurichuru nenacauru gobierno, caa canaacaanu aitojoan que na jaun, uain caohachaain cachaauru coroataj anecurumii te, caoachaain neruujueein neeuruhine.

"Caohatoha carai," naain ereeuri gobiernooru, esiahen rauhijiriin, caa aitocoaanu ne rijijieein tonoraain ichacurumiite raotojoeen jianacoo nenaan nainecurumii, saain rai cachaauru.

Nii jaun te, caohachae saain itolere neein coitucuruha saain cachaauru ne caohachae, rauhij iriin ichacuruhanne coinia.

CARITIIN TE AITUCURE LAURILAURICHURU CAJE UNACAURU

CURAANAACURU ITA TAOJIAIN

Nii jaun, itolere sacutaain cachaauru relauruhinete, coitucuhin, "Naojoaain te chuisi ne cana rai rauhi," naain coticuuruhine cachaauru laurilaaurichuru nenacaauru. Nitohaneeinte, jeraaen cuujuein nitohaniha cureein.

Articulo 1.

Ita rijiicha itolere cacha. Aihana jaun, ita belaain, naojoain neuruhine laurilaaurichuru nenacaauru aina itolere cachaauru.

Articulo 2.

Satiin cachaauru raite ne, jericha nejeein acaauru rai rauhi, ita jeloon cuhin. Nii jaun, nihei chatohaneein, jichojoai, bacauha, ijiaen, jorio, batirichuru, coriqui neba, cailichai cacha, cocoamo, shipibo, acoarona, saain niichuru te jericha nejeein ne, acaauru rai rauhi.

Articulo 3.

Aihana jaunte ne, satiin cachaauru rai rahui, raotojoeein rerohecaeraelanaala, jerihane tocohaneein ichaoha cacha ne coiná.

Articulo 4.

Aihana jaun, nijiaonriha atebihaen rai cha que erenaa rijitiin, namute cacha letoain niha cachaaurune.

Articulo 5.

Jiaonriha chunei cacha cunaitain, naojoain neeuruha cocoainanacaihurine.

Articulo 6.

Cha rijijiein teein ti neseeu nenacaauru que suujua acateein caohachaain raaure. Nii rijijiein chu joaenreein nirljleln nenacaauru cachaauru- nuna cocoacha naojoain que suujua acateein caohachaain coaraain naojoain neeuruuhine cocoainanacaihuri.

Articulo 7.

Joaenreein cacha, niha acaaaru rai chatohanai ine, cocoainanacaihuri rai ereeuuhinete, acaaaru coroatajanemii cocoainanacaihuri te aitoha caa rauhi ne riJIJleln neine cachaauru rai rauhi.

Articulo 8.

Rauhijiin caa erenaa tonoraain ichacurenihha cocoainanacaihurine acaaaru curaanaa rai beeuruuhine cachaaurute, rucuecuruhine acaaaru aina acaaaru curaanaa.

Articulo 9.

Jiaonriha, atiin joaenreein leera colane cacha mucuhin caresero cuhane teein, naojoain neeuruha cocoainanacaihurine. Chaen chu, coa nii natane caje sitaaln, leeocha ataneu letoauruha cocoainanacaihuri, joaenreein leera colane.

Articulo 10.

Satiin cachauru raite ne rauhi, casetecaa cocoainanacaihurine ajiiniha ereein naojoaunruha en coin. Baaso ichaain, chatohaneein cacha basijiauhin naojoaain neeuruha cocoainanacaihurine leeocha cocoainanacai, n ii cocoainanacai arai nihei, que rucuerateeurouhine cachaauru. Chaen chu chatohaneein cocoainanacaihuri rai chatohaneein ichaain asijiauhin, naojoaain niha cacha ne, jericha nejeein leeocha cocoainanacai, nii cacha arai nihei cocoainanacai que rucuerateeurouhine. Chaen nii neruujue bana, aonaa ne coin

turuha catcha ne, jiaonriha sitaain, naojoaain niha cocoainanacai te neruujiha nii
ine aonaain, neeuruhine catchaauru.

Articulo 11.

1. Caohachaai, rucujuelanaala catcha casetecaain niha cocoainanacai ine.
Caohachaain coitucuhin, "Esihaen te chuhisi, baaso ichae," naain
caohachaain coitucuera lanaala joaenreein catcha casetecaain niha
cocoainanacaine caohachaai.
2. Jiaonriha jaiti cocoaaerae nihane jana chatohanai ichaa catcha ne
mucuhin neeuropa cocoainanacaihurine.

Articulo 12.

Satiin catchaauru coaramii cocoainanacaihuri. Nabana leijiin catcha nenajau
turuhin reroecanaa coacuhin ninahuene. Aca te naojoaain, n e chu aansaaineein
ne, "naain joaenreein que ereein ita reroecanaa coacuhin naojoaain neeuruhane,
nabana cocoainanacaihuri netonai nii esenetaain, catcha reroecanaa coaucuruha
ne coataa. Jiaonriha chu chaen, leijiin catcha rai, letono quiricha raain, coaraain
naojoaunruha nejelaauru ne.

Articulo 13.

1. Niha rauhi, satiin catcha rai, chunijiu ichaonaa jerihana jaun ichaoha ne
coina.
2. Chaente chu ne, satiin catchaauru rai rauhi, chunijiu atane cuhin ichaonaa
jerihana ne ichaoha cuuruha ne coina. Chaen te chu ne, acaauru rai rauhi,
jeliha natane caunaa jerecuruha ne, caauruha ne coina.

Articulo 14.

1. Niha rauhi, niha reroecaera natane ne, chunijiu nejelau atane cuin
raotojoeen ichaaouruha catchaauru ne jaan nu.

2. Jana, chatohaneein soserena neein, asijiauto neein, naojoaain niha cacha ne, nihei rai rauhi, nejelau atane cuhin soroha ne coina.

Articulo 15.

1. Satiin cacha rai te ne rauhi, nataneu-nenacaauru laurijira niha ne baiha nejelau atane nenacaauru laurijira niha cuha cacha ne.
2. Niichuru jericha nejeein nataneu caoachaain coaracuruha naraichuru ne rijijiein caoachaain coaracurumii nejelau atane nenacaauru.

Articulo 16.

1. Niha rauhi, ita rijijiein ichauhena neeuruhane, ene aina ita raain naaojoaunruha cachaauru ne jaan nu. Jericha nejeeinte quicha rai niha rauhi ne rijijiein, ne, enecuru rai rauhi. Coa chu chaen, chatohaneein bacauha, cocoamo, ijiaen, naaojoaainejeein ranaa jeriha joaenreein, ene, quicha, naaojoaaine, coa caóhateeuruha.
2. Aca jeria ne jana, jereniha nii ene ne jana, raa cacha ne, caohachaaai.
3. Ene raain niha quicha ne, coaracurumiin cocoainananacaihuri; nabana charijieinejeein ita que nererojoecaain ita jianecuruha ne coataa.

Articulo 17.

1. Satiin cachauru rai te ne rauhi, rai rucuheleeuru, rai atane, naaojoaain erora neein niha ne coina.
2. Chaen chu, joaenreein coreniha rai rucuheíeeuru, rai atane, naaojoaain caje sitaanaa nainihei cacha, nihei cocoainananacaihuri niha natiin.

Articulo 18.

Niha satiin cachauru rai rauhi, Cana Coaunera ere esenetaain tonorana jeriha ne, tonoraauruha jianacoo neein cha que tonajelanaala ne coina.

Articulo 19.

Niha chu chaen rauhi cachaaru rai, niicha coacui, cachaaru rai beein, naaojoaunruha ne coina. Nainihei nii coreniaa acaaru mucuhin niha cocoainanacaihuri ne.

Articulo 20.

1. Niha chu chaen, cachaaru rai rauni ita taojiaain chaelai que ereereena jerecuruha ne, ichacuruha chaelai que tonajelanaalane coina.
2. Niha chu chaen, cachaaru rai rauhi, ita taojieraaru aina nena jereniha ne, cuheniha ne coina.

Articulo 21.

1. Niha chu chaen, cachaaru rai rauhi, necoriha cocoainanacaine jerecuruha ne, "Aca aca nemii", naain leijiin coaraain aca jeriha cachaaru ne aca cocoainanacainein neme.
2. Niha cachaaru rai rauhi, "Aca aca nemii," naain ereeuruha saain cachaaru ne coina.

Articulo 22.

Niha satiin cachaaru rai rauhi, reroecaerae lanaala, raotojoeen neeuropa cachaaru ne coina. Niha acaaru reroecaera ne, acaaru coroatajaneine acaaru gobierno.

Articulo 23.

1. Niha chu rauhi amihaniha cachaaru ne coina. Niicha rautaai amihanenaa coaraain que amihaneeuruha cachaaru ne coina. Niicha rautaai amihanenaa coaraain que amihaneeuruha cachaaru ne coma.

2. Chaen chu, ita rijijiein amiania cacha ne, ita rijijieein core raauruha ne te, caohachae.
3. Raujiaain caohachajeein canaauruhine amihanenacaaurute, raotojoeein sinij iera aina jiniiquiin, bereecuru aina raotojoeein ichaooruhine chacaauru.
4. Niha chu cachaauru rai rauhi, niha chatohanai, ne, ita taojiaain jiniiquiin fatoroon aina rucuhecuruha ne coina.

Articulo 24.

Niha chu rauhi, le janonaa cuhane nesuruhin basijiin nebetacaain naajoaain neeuruha cachaauru en jaan nu. Niha chu cachaauru rai rauhi carajaain amihaneeuropa ne, acaauru rai nebetacanaa tiha fatoroon core aina ne coina.

Articulo 25.

1. Niha chu chaen rauhi, biinaa, camotojoe, canaanaihuru, cunaitenacaauru, naajoaihunri coroatajaniha gobierno ne coina. Nabana escoela que lanaain, nabana itolere que lanaain neeuruha itolere cachaauru ne coataa.
2. Chaen chu, leeochaauru coroatajaniha ne amuritoheriin, jelai neein canaanai siirichaauru enecuru coroatajaneeine, nii beree aina curuaecaain gobierno. Chaen chu ujuateje rijijiein, nenacaauru canaanaihuru coroatajaneeine gobierno.

Articulo 26.

1. Niha satiin cachaauru rai rauhi, core colane nirijiein nerelaain naajoaain, quiricha inain naajoaain niha cacha ne coina.
2. Chaen escoela cuhane nerelaauruhine itolere que, raotojoeein j iniiquiiin, ichaonaa nijianai que, nerelaauruhine te, joaenreein bacauha aina nia natiin, raotojoeein ichaooruhine.

3. Niha rauhi, bereecuru rai, niicha rautai escoela coaraain, cuu bereecuru teein naaojoaain niha inacaauru ne jaan nu.

Articulo 27.

1. Niha chu chaen, cachauru rai rauhi, niha besta ne, niha chatohanaine, ita taojiaain, naaojoaain neeuruha cachauru ne, cunaa jerei cuhin, naaojoaan ne coina.
2. Niha rauhi, cachaauru rai, chatohanai niicha coitucui ichaain que necoreteein core raa cachaauru ne coma.

Articulo 28.

Satiin cachaauru rai te ne rauhi, esihuen raujjiriin caa rauhi cuhane aitoha ne rijijiein.

Articulo 29.

1. Chaen chu, ita coroatajaneeuruhine cachaauru, ita acatiha tacain.
2. Nihei, chunei cacha rai rauhi, leeocha cacha rai rauhi que nererojoecaain niha cacha ne jaan nu.
3. Chaen chu, nainihei caa icharaauru aina nererojoecaain niha cachaauru ne jaan nu.

Articulo 30.

Nainihei chu, chunei gobierno, atane curuanaa, naaojoaain niha natiiin, caa rauhi ichara nichaanu ne aina nererojoecaain neeuruha ne jaan nu.